

HONDAKIN ARRISKUTSUA KUDEAKETA-ZERBITZUA
EMATEKO ADMINISTRAZIO KLAUSULA PARTIKULARREN ETA
BALDINTZA TEKNIKOEN AGIRIA

I. kapitulua.- XEDAPEN OROKORRAK

- 1.- KONTRATUAREN HELBURUA
- 2.- KONTRATUA BETETZEKO EPEA
- 3.- LIZITAZIO-PREZIOA
- 4.- FINANTZAKETA
- 5.- PREZIOAK BERRIKUSTEA
- 6.- ORDAINTZEKO ERA
- 7.- BEHIN BETIKO BERMEA
- 8.- KONTRATUAREN ARAUBIDEA ETA ESKUMENA

II. kapitulua.- KONTRATAZIOA

- 9.- ESLEITZEKO PROZEDURA
- 10.- ESKAINTZAILEAK
- 11.- DOKUMENTAZIOA ETA PROPOSAMENAK
- 12.- PROPOSAMENAK AURKEZTEA
- 13.- AGIRIEN KALIFIKAZIOA ETA PROPOSAMENAK IREKITZEA
- 14.- ESLEITZEKO IRIZPIDEAK
- 15.- ESKAINTZAK SAILKATZEA ETA KONTRATUA ESLEITZEA
- 16.- KONTRATUAREN FORMALIZAZIOA

III. kapitulua.- KONTRATUA GAUZATZEA

- 17.- KONTRATISTAREN BETEBEHAR OROKORRAK
- 18.- ZERBITZUA EMATEKO ERA
- 19.- HONDAKINAK EGOKITZEA ERAMATEKO
- 20.- KONTRATISTAK EGIN BEHARREKO LANAK
- 21.- KOPURUEN KONTROLA
- 22.- DATU PERTSONALAK BABESTEA
- 23.- SEGURTASUNA ETA OSASUNA
- 24.- EUSKARA
- 25.- TRESNERIA ETA BALIABIDE PERTSONALAK
- 26.- BALIABIDE TEKNIKOAK
- 27.- KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI ERAGINDAKO KALTEENGATIK
- 28.- BAIMENAK
- 29.- LANEN KONTROLA
- 30.- LANAK ONARTZEA
- 31.- KONTRATUA SUNTSIARAZTEKO KAUSAK
- 32.- ADMINISTRAZIOAREN PRERROGATIBAK
- 33.- KONTRATAZIO-MAHAIA

ERANSKINA: PROPOSAMEN-EREDUA

I. kapitulua.- XEDAPEN OROKORRAK

1. KONTRATUAREN HELBURUA

Lehiaketa bidez erabakiko den esleipenak etxeetako hondakin arriskutsuak, Garbiguneetan eta Mankomunitateko beste Zerbitzu batzuetan bilduak, kudeatzeko zerbitzua ematea izango du helburu, Agiri honetan eta kontratuaren esleipendun izango den eskaintzan zehazturiko baldintzetan.

2. KONTRATUA BETETZEKO EPEA

Kontratuak bi urteko iraupena izango du, izenpetzen den mementotik aurrera; eta bi aldeen adostasunez beste bi urterako bakarrik luza daiteke.

3. LIZITAZIO-PREZIOA

Ondorengo lizitazio-prezioa finkatzen da, BEZ sartu gabe:

- Hondakin arriskutsuak eduki dituzten ontziak kudeatzeagatik: 380 €/tona.
- Pintura-hondakinak kudeatzeagatik: 480 €/tona.
- Aerosolak eta gai kimikoak kudeatzeagatik: 1.910 €/tona.
- Disolbatzaileak kudeatzeagatik: 320 €/tona.
- Itzalgailuak kudeatzeagatik: 4.240 €/tona.

Prezio horiek eskaintzaileek beherantz hobetu ditzakete beren eskaintzetan. Prezio horietan sartuta daude garraio-gastuak, hondakinak bildu eta gordetzeko ontziak, eta administrazio-izapideak (DCS, etab.)

Aurkezturiko proposamenetan ez da bakarrik kontratuaren prezioa sartuko, baita BEZaren zenbatekoa ere, eta horren ondorioz sortzen diren era guztietako zergak eta gastuak.

4. FINANTZAKETA

Aurrekontu-gaietan eskudun den organoa kontratu hau finantzatzeko beharrezko kredituak gordetzera konprometitzen da ondorengo ekitaldietako aurrekontuetan ere.

5. PREZIOAK BERRIKUSTEA

Kontratu honetan ez da inolako prezio-berrikuspenik egingo.

6. ORDAINTZEKO ERA

Prestazioa adostasunez hartuta, ordainketa bi hilean behin egingo da.

Ordainketa aldeztatik kontratistak faktura zehaztua aurkeztu ondoren egingo da. Fakturaren zenbatekoa kalkulatzeko, aurreko bi hilabeteetan kudeaturiko hondakinen tonei kontratua esleitzean onarturiko prezio/tona aplikatuko zaie.

Fakturak Sektore Publikoko Kontratu Legearen testu bateginaren 216. artikuluan ezartzen dituen epeen barruan ordainduko dira.

7. BEHIN BETIKO BERMEA

Bere gain hartutako obligazioak beteko dituela bermatzeko, kontratuaren esleipenduna beharturik dago behin betiko bermea aurkeztera, 5.380 €-koa.

Errekerimendua jaso eta biharamunetik aurrera hamar laneguneko epea dago berme hori eratzeko, eta Sektore Publikoko Kontratu Legearen testu bateginak 96. artikuluan ezarritako moduetako edozeinetan egin ahal izango da.

Bermea itzultzea Sektore Publikoko Kontratu Legearen testu bateginak 102. artikuluan xedatutakoaren arabera egingo da, berme-epea amaitu ondoren eta esleipendunak bere kontratu-betebehar guztiak bete ondoren.

8. KONTRATUAREN ARAUBIDEA ETA ESKUMENA

Kontratuak hornitzeko administrazio-kontratuaren izaera izango du. Honako hauen arabera arautuko da: Administrazio Klausula Berezion Agiria; 3/2011 Legegintzako Errege Dekretua, azaroaren 14koa, Sektore Publikoko Kontratuen Legearen Testu Bategina onartzen duena; 817/2009 Errege Dekretua, maiatzaren 8koa, Sektore Publikoko Kontratuen Legea partzialki garatzen duena; eta Herri Administrazioen Kontratu Legearen Erregelamendu Orokorrean indargabetu gabeko arauak. Era osagarrian, Administrazio Zuzenbideko arau orokorrak aplikatuko dira, eta horiek ezean, Zuzenbide Pribatukoak

Kontratuaren aplikazio edo interpretazioan, berori gauzatu, aldatu, bete edo iraungitzerakoan sortzen diren auziak Mankomunitatean eskudun diren organoek ebatziko dituzte eta horien erabakiak berehala bete beharrekoak izango dira.

Erabaki horien aurka jotzeko ahalmena administrazioarekiko auzi-eskumenak izango du.

II. kapitulua.- KONTRATAZIOA

9. ESLEITZEKO PROZEDURA

Kontratu hau esleitzea PROZEDURA IREKI bidez egingo da.

10. ESKAINTZAILEAK

Proposamenak pertsona natural edo juridikoek, espainiar edo atzerritarrek, parte har dezakete, jarduteko gaitasun osoa baldin badute, kontratatzeke debekurik ez baldin badute, eta beren ekonomia- eta finantza-kaudimena eta kaudimen tekniko eta profesionala egiaztatzen badituzte.

11. DOKUMENTAZIOA ETA PROPOSAMENAK

1. Eskaintzaile bakoitzak proposamen bakarra aurkeztu ahal izango du. Enpresa elkartuek ezingo dute banakako proposamenik aurkeztu eta, hori egiten badute, ez zaizkie onartuko ez banakakoak eta ez elkartearenak.
2. Proposamenak hiru gutun-azaletan aurkeztuko dira, barruan ondorengo agiriak sartuta:

1. GUTUN-AZALA: NORTASUNA, GAITASUNA ETA KAUDIMENA

1.- 1. gutun-azalean, hauek sartuko dira:

a) Enpresaburuaren eta, hala balegokio, bere ordezkariaren nortasun juridikoa egiaztatzen duten agiriak.

Nortasuna honela egiaztatuko da:

- Enpresaburua pertsona juridikoa baldin bada, eraketa-eskritura edo agiria, estatutuak edo fundazio-egintza aurkeztuta, horietan agertzen badira beren jarduera erregulatzen duten arauak, hala balegokio, dagokion Erregistro Publikoan inskribatuak, zer-nolako pertsona juridikoa den kontuan izanda.

Enpresaburuak espainiarrak ez direnean baina bai Europako Erkidegoko kide diren estatuetako kideak, ezarrita dauden estatuko legeriaren arabera, dagokien Erregistroan inskribatuta daudela egiaztatu behar dute, edota zinpeko adierazpena edo ziurtagiri bat aurkeztu, arauz ezarrita dagoen bezala, Europar Erkidegoan aplikatu beharreko xedapenen arabera.

Gainerako enpresaburu atzeritarrek beren estatuan dagoen Espainiaren Diplomazia Misio Iraunkorrek edo enpresaren helbideari dagokion lurralde-eremuko Kotsuletzeko Bulegoak egindako txosten bidez egiaztatu beharko dute jarduteko gaitasuna.

- Eskaintzaileak bere izenean badihardu, nortasun-agiria (NAN) aurkeztu behar du edo bere estatuan dagoen baliokidea.

- Beste baten izenean agertzen direnek edo proposamenak izenpetzen dituztenek NANen kopia aurkeztu behar dute, baita horretarako ahalorde askietsia ere. Enpresa pertsona juridikoa baldin bada, ahalorde horrek Merkataritza Erregistroan inskribatuta egon behar du.

b) Kontratatzeko debekuetan sartuta ez dagoela adierazten duen aitoren erantzulea. Adierazpen horretan indarrean dauden xedapenek ezarritako zerga-betebeharrak eta Gizarte Segurantzarekiko eginbeharrak beteta dituen adierazpena sartuko da.

Zerga eta Gizarte Segurantzako ordainketak egunean dituela egiaztatzeke agiriak behin betiko esleipena egin baino lehen aurkeztu behar ditu esleipena jasoko duen enpresaburuak.

c) Ekonomia- eta finantza-kaudimenaren egiaztagiria.

Ekonomia- eta finantza-kaudimenaren justifikazioa Sektore Publikoko Kontratu Legearen testu bateginak 75. artikuluan ezartzen duenaren arabera egingo da, ondorengo agiriak aurkeztuz:

- Finantza-erakundeen aldeko txostena.
- Lanbide-arriskuengatik kalte-ordainetarako aseguruia dagoela egiaztatzen duen agiria.

d) Kaudimen tekniko eta profesionala egiaztatzeke bitartekoak.

Kaudimen tekniko eta profesionalaren justifikazioa Sektore Publikoko Kontratu Legearen testu bateginak 78. artikuluan ezartzen duenaren arabera egingo da, ondorengo agiriak aurkeztuz:

- Kontratuaren xedearen antzeko ezaugarriak izanik, azken hiru urteetan egindako zerbitzu garrantzitsuenen zerrenda, hor sartuta lan horien zenbatekoa, datak eta onuradun publiko eta pribatuak. Egindako zerbitzu edo lanak organo eskudunak egindako edo ontzat emandako ziurtagirien bidez egiaztatuko dira, hartzailea sektore publikoko erakunde bat denean, edo hartzailea subjektu pribatu bat denean, berak egindako ziurtagiri bidez edota, ziurtagiri hori ezean, enpresaburuaren aitortzen bidez.
- Kontratu honen helburu diren hondakin arriskutsuen kudeatzaile izateko baimenaren egiaztapenak.
- Hondakin arriskutsuak garraiatzeko dagokion baimenaren egiaztapena.

Kontratu honen xedearen antzeko lanak egin izana egiaztatzen ez duten enpresen eskaintzak baztertu egingo dira.

e) Kontratuaren inguruan zuzenean edo zeharka sor litekeen edozein gorabeheratarako, **atzerriko enpresek aitortzen bat aurkeztu behar dute Espainian edozein mailatako auzitegi eta epaitegien eskumenean jartzen direla adieraziz**, eta, hala balegokio, eskaintzaileak atzerrian izan lezakeen foru jurisdikzionalari uko egin diola adieraziz.

f) Hala balegokio, posta elektronikoaren helbidea jakinarazpenak egiteko.

2.- Euskadiko Autonomia Erkidegoko Kontratu eta Kontratisten Erregistroen Erregelamendua onartzeko otsailaren 3an eman zen 12/1998 Dekretuak arauturiko Enpresa Sailkatuen Erregistro Ofizialean inskribaturik dauden enkante-eskaintzaileak, a) eta b) ataletan eskaturiko agirien ordeztu, Erregistroaren organo arduradunak egin eta indarrean dagoen ziurtagiria aurkez dezakete, eta horrekin batera eskaintzailearen aitortzen arduratsua adieraziz ziurtagiri horretan aipatzen diren zirkunstantziak ez dutela aldatetarik izan.

Agiri horiek guztiak jatorrizkoak izango dira edo behar bezala egiaztaturiko kopiak.

2. GUTUN-AZALA: TXOSTEN TEKNIKOA

2. gutun-azalean **TXOSTEN TEKNIKOA** sartuko da. Txostenean ondorengo alderdi hauek zehaztu behar dira:

- o Kontratuari atxikitako makinen edo beste bitarteko tekniko batzuen eta osagarrien deskribapena.
- o Lanak egiteko beharrezko langileak.
- o Kontratistaren eta Mankomunitatearen artean koordinazio operatiborako proposamena: hondakinak prestatzeko era, emateko era, ontzi edo edukiontzi mota estandarrak, bilketa-maiztasun kalkulatu, edo besterik.
- o Hondakinak tratatzeko prozesuen deskribapena eta azken norakoa.

- o Urtean trataturiko kopuruak; berreskuratzeko, birziklatzeko, balorizazio energetikorako eta zabortegira botatzeko kopuruak eta ehunekoak
- o Agiri honetako baldintzen gaineko hobekuntzak.

3. GUTUN-AZALA: PROPOSAMEN EKONOMIKOA

Proposamen ekonomikoak Baldintza Agiri honen ERANSKIN gisa agertzen den ereduari zorrotz jarraitu beharko dio, bertan eskaintzaileak eskaintzen duen prezioa ere sartuko delarik.

Lanak kontratatu eta egiteak eragindako edo eragingo dituen gastu guztiak sartu behar dira agiri honetan jasotako prezioetan eta, zehatzago esanda, honako hauek:

- Lizitazio-gastuak eta, hala badagozkio, kontratua formalizatzeko gastuak.
- Kontrataturiko prestazioa betetzeko esleipendunak zertu beharreko gastuak: orokorrak, finantzarioak, aseguruak, tasak, fidantzak, saiakuntzak, garraio eta bidaiak, bere ardurapeko langileen lansari eta dietak eta Baldintza Agiri honetan ezarritako gainerako guztiak.
- Era guztietako zergak, BEZ barne, eta kontratuak iraun bitartean ezartzen edota aldatzen diren beste guztiak.

Kontzeptu horietako bakar bat ere ezingo da gero aparteko kontzeptu edo kontu-sail gisa sartu.

12. PROPOSAMENAK AURKEZTEA

1.- Aipatu diren gutun-azal horiek Debagoieneko Mankomunitatearen Sarrerako Erregistro Orokorrean —Nafarroa Etorbidea, 17 Arrasaten— aurkeztu behar dira, 15 egun naturaleko epean Gipuzkoako Aldizkari Ofizialean lizitazio-iragarkia argitaratu eta biharamunetik zenbatuta.

Enkante-eskaintzaileak bere proposamena postaz bidaltzen badu, Postetxean bidalketa egin duen eguna justifikatu behar du eta egun berean eskaintza bidali duela jakinarazi Kontratazio Organoari telex, telefax edo telegrama bidez. Bi baldintza horiek ez badira betetzen edo bidalketaren jakinarazpena proposamenak jasotzeko epea igaro eta gero hartzen bada, eskaintza ez da onartuko. Bestalde, aipaturiko dataren ondoren hamar egun natural igaro eta proposamena ez bada iristen, ez da inola ere onartuko.

2.- Gutun-azalak itxita, eta behar bezala sinaturik, aurkeztuko dira; gainean enkantean hartzeko eskaintza egiten duen enpresaren (edo enpresen) izena eta idazkun hau izango dute: **“Hondakin arriskutsuen kudeaketa-zerbitzua emateko proposamena”**.

Gutun-azal bakoitzean, gainera, edukia adieraziko da, honela:

1. **GUTUN-AZALA: NORTASUNA, GAITASUNA ETA KAUDIMENA**
2. **GUTUN-AZALA: TXOSTEN TEKNIKO**
3. **GUTUN-AZALA: PROPOSAMEN EKONOMIKO**

13. AGIRIEN KALIFIKAZIOA ETA PROPOSAMENAK IREKITZEA

Proposamenak aurkezteko epea amaiturik, garaiz eta behar bezalako forman iritsitako dokumentazioa (1. gutun-azala) kalifikatuko du Kontratazio Mahaiak, horretarako Herri Administrazioen Kontratu Legearen Erregelamendu Orokorraren 81. artikuluan ezarrita dagoen bezala jokatzuz.

Horretarako, azalpenak edo agiri osagarriak eskatu ahal izango dira lizitatzailerentzat gaitasun eta kaudimenari buruz, eta horiek, Erregelamenduko 22. artikulua xedatzen duen bezala, bost egun naturaleko epean aurkeztu behar dira. Azalpen edo agiri osagarrien eskaera Mahaiak hitzez jakinaraziko die interesatuei, eta Mankomunitateko iragarki-taulan eta kontratatzailearen profilean ere iragarriko da. Era berean jakinaraziko du Mahaiak aurkezturiko dokumentazioan zuzentzeko egon litezkeen akatsak, kasu honetan hiru laneguneko epean eskaintzaileek zuzendu ditzaten aurkituriko akatsak.

Kontratazio Mahaiak, aurkezturiko dokumentazioa kalifikatu eta, hala balegokio, aurkituriko akatsak edo omisioak zuzendu ondoren, Baldintza Agiri honetan ezarritako aukeratze-irizpideetara egokitzen diren enpresak zehazteari ekingo dio, argi eta garbi erabakiz zein diren enkantean onartuak, zein baztertuak eta baztertzeko horretarako kausak.

Proposamenak aurkezteko epea bukatu ondorengo bosgarren lanegunean, eta egun hori larunbatean suertatzen bada, hurrengo astelehenean —salbu eskaintzailearen batek bere eskaintza postaz bidali duenean, kasu honetan Herri Administrazioen Kontratu Legearen Erregelamendu Orokorrak 80. artikuluan ezartzen duen epea bukatu ondorengo lehen lanegunean egingo baita— goizeko hamarretan irekiko da 2. gutun-azala, eta Kontratazio Mahaiari emango zaio balora dezan bertan dagoen dokumentazioa. Irekitze-ekitaldia jendaurrean egingo da, Debagoieneko Mankomunitatearen gela batean.

3. gutun-azala (proposamen ekonomikoa) ekitaldi publikoan irekiko da Mankomunitate honen kontratatzailearen profilean (www.debagoiena.com) eta onarturiko enpresa eskaintzaileei bidaliko zaien jakinarazpenean adieraziko den lekuan, egunean eta orduan. Ekitaldi honetan balio-judizio baten mendeko irizpideei esleituriko balorazioaren berri emango da

14. ESLEITZEKO IRIZPIDEAK

1. Kontratuaren esleipena ekonomikoki onuragarriena den eskaintzari egingo zaio.
2. Kontuan izan beharreko irizpideak eta kontratuaren esleipenerako horien ponderazioa honako hauek izango dira:
 1. Proposamen ekonomikoa: %80
 2. Txosten Teknikoa: %20

1.- Proposamen ekonomikoa	80 puntu
Eskaintza ekonomikoaren balorazioko 80 puntuak honela banatuko dira: ✓ Hondakin arriskutsuak edukitako ontzikiak kudeatzeagatik: 6 puntu. ✓ Pintura-hondakinak kudeatzeagatik: 36 puntu. ✓ Aerosolak eta produktu kimikoak kudeatzeagatik: 30 puntu. ✓ Disolbatzaileak kudeatzeagatik: 2 puntu. ✓ Itzalgailuak kudeatzeagatik: 6 puntu. Honako mekanika hau erabiliko da prezio horietako bakoitza balioesteko: Onarturiko proposamenei dagozkien eskaintza ekonomikoen puntuazioen kalkulua haien arabera egingo da, interpolazio linealaren bidez, bi puntuek mugaturiko zuzenaren arabera: P1 (Gehieneko beherapena, gehieneko puntuazioa) eta P2 (Zero beherapena, gutxieneko puntuazioa), eta aipaturiko zuzen horretan horiek mugatzen duten segmentuaren barruan. Aipaturiko puntuak honako hauek dira:	



P1 – Eskaintzarik merkeena (gehienezko beherapena), horri puntuazio maximoa emango zaiolarik ($P_{\max}$).

P2 – Lizitazio-tasari dagokiona, eta horri dagokion puntuazio minimoa emango zaio ondorengo formularen arabera:

$$P_{\min} = P_{\max} \times (1 - B_{\max} \cdot 3)$$

($B_{\max}$ = Beherapen maximoa)

Beherapena (B): lizitazio-tasaren eta eskaintza ekonomikoaren arteko aldea zati lizitazio-tasa.

$P_{\min}$ en kalkulua negatiboa izango balitz, $P_{\min} = 0$ izango litzateke.

Lehen zehazturiko zuzena lortzeko, onarturiko oinarritzko eskaintzak bakarrik hartuko dira kontuan.

Printzipioz, neurrigabeko edo ausarkeriazko beherapen gisa hartuko da aurkezturiko proposamen guztien baja-ehunekoen batez besteko aritmetikoa 10 unitatetan gutxienez gaintitzen duena, eta hori neurrigabeko edo ausarkeriazko beherapentzat jotzeko, horretan ustez inplikaturiko eskaintzaile guztiei informazioa eskatuko zaie aurrez, baita dagokion Zerbitzuaren aholkularitza tekniko ere.

2.- Txosten Teknikoa

Kontratuari atxikitako makinak edo beste bitarteko tekniko eta osagarri batzuk balioetsiko dira; lanak egiteko beharrezko langileak; kontratistaren eta Mankomunitatearen artean koordinazio operatiborako proposamena (hondakinak prestatzeko era, emateko era, ontzi edo edukiontzi mota estandarrak, bilketa-maiztasuna, edo besterik); hondakinak tratatzeko prozesuen deskribapena eta azken norakoa; urtean trataturiko kopuruak; berreskuratze, birziklatze, balorizazio energetikorako eta zabortegira botatzeko kopuruak eta ehunekoak; eta Agiri honetako baldintzen gaineko hobekuntzak.

20 puntu

15.- ESKAINTZAK SAILKATZEA ETA KONTRATUA ESLEITZEA

Kontratazio-organoak, Kontratazio Mahaiaren proposamenez, beheranzko ordenan sailkatuko ditu aurkezturiko proposamenak, proportzio gabetzat edo anormaltzat jo gabeak, Baldintza Agiri honetan ezarritako esleipen-irizpideen arabera.

Ekonomikoki eskaintzarik onuragarriena aurkeztu duen eskaintzaileari hamar laneguneko epean honako hauek aurkezteko eskatuko dio Kontratazio-organoak: zerga eta Gizarte Segurantzarekiko betebeharrak betetzen egunean dagoela frogatzeko egiaztagiria, kontratua betetzeko erabiltzera edo esleitzera konprometituriko baliabideak benetan badituela erakusten duten agiriak, lan-arriskuen prebentzioari buruzko dokumentazioa, eta behin betiko bermea eratu duela frogatzen duen egiaztagiria.

Dokumentazioa jaso ondorengo bost lanegunen barruan esleituko du kontratua kontratazio-organoak.

16. KONTRATUAREN FORMALIZAZIOA

Mankomunitateko organo eskudunak behin betiko esleipena egin eta hori jakinarazi ondoren, kontratua administrazio-dokumentuan formalizatu behar du esleipendunak gehienez ere hamabost laneguneko epean, behin-betiko esleipenaren jakinarazpenaren biharamunetik zenbatuta, eta agiri hori aski titulu izango da edozein erregistro publikotara iristeko. Hala ere, kontratistak eskatu ahal izango du kontratua eskritura publiko bihurtzea, dagozkion gastuak bere kargura izango direlarik.

Kontratistari egozteko moduko kausengatik kontratua ez bada formalizatzen aipaturiko epearen barruan, Mankomunitateak indargabetzea erabaki dezake, baita behin betiko bermea konfiskatzea ere.

Kontratua formalizatzeko ekitaldi berean eta hori izenpetzeaz gain, esleipendunak Administrazio Klausula Partikularrak eta Baldintza Teknikoak ere izenpetuko ditu, horrela agertuz baduela horien berri eta ados dagoela.

Kontratua formalizatzea ezin saihestuzko baldintza izango da edozein ordainketa bideratzeko.

III . kapitulua.- KONTRATUA GAUZATZEA

17. – KONTRATISTAREN BETEBEHAR OROKORRAK

1. Kontratu hau betetzea kontratistaren arrisku eta benturara egingo da.

2. Onarturiko Baldintza Agiriei, aplikatu beharreko araudiari eta kontrataturiko lanak bezalakoei dagozkien arau teknikoei estu eta zorrotz jarraituz egin behar dira lanak.
3. Esleipenduna berak egiten dituen lanen eta prestazio eta zerbitzuen kalitate teknikoaren erantzule izango da, baita kontratua betetzerakoan egiten dituen ez-egite edo omisioek, akatsek, metodo desegokiek edo ondorio okerrekin Administrazioarentzat edo besterentzat dituzten ondorioen erantzule ere. Kontratistak berari egotz dakizkiokeen jardunengatik hirugarrengoei eragindako kalteen ordainak emango ditu.
4. Europan, estatuan eta EAEn hondakin arriskutsuen kudeaketa eta garraiorako une bakoitzean indarrean dauden araudi guztiak bete beharko ditu kontratistak.
5. Lan, Gizarte Segurantza eta Laneko Segurtasun eta Osasunaren arloetan indarrean dauden xedapenak bete beharko ditu kontratistak.

18. ZERBITZUA EMATEKO ERA

Kontratu-gai diren hondakin arriskutsuak Mankomunitateak kudeaturiko 3 Garbiguneetan edo Mankomunitateak adierazitako beste edozein lekutan, baina Debagoiena eskualdeko eremu geografikoan betiere, jaso behar ditu kontratistak.

Garbiguneen kokapena honako hau da:

- Ibarreta Garbigunea. Markulete Industrialdea (Arrasate).
- San Cristóbal Garbigunea. Bergara-Angiozar errepidea (Bergara).
- Urrutxu Garbigunea. Garagaltza auzoa (Oñati).

Sistematikoki gutxienez hilean behin egingo da bilketa, eta horretarako data zehatz bat finkatuko da hilero. Hala ere, bilketa gehiago egin behar bada, Mankomunitateak adierazitako lekuetara joango da kontratista hondakin arriskutsuak jasotzera gehienez ere 15 egun naturaleko epean Mankomunitateak eramateko eskatzen dionetik aurrera. 15 egun horien barruan, errespetatu egingo dira Eusko Jaurlaritzari egin beharreko Lekualdaketaren Aurretiazko Jakinarazpenaren eta ematearen artean gutxienez igaro behar diren 10 egunak (833/1988 ED).

Hondakinak garraiorako ibilgailuan kargatzeko lanak egiteko beharrezko baliabide tekniko eta giza baliabide guztiak izango ditu kontratistak, Mankomunitateko langileen laguntzarik behar izan gabe.

19. HONDAKINAK EGOKITZEA ERAMATEKO

Mankomunitateko langileek honela egokituko dituzte hondakinak kontratistak jaso ditzan:

- Pintura-hondakinak, egoera likidoan nahiz pastatsu, 200 litroko balezta-itxitura duten plastikozko bidoietan gordeko dira. Nahaski horretan ez dira bereiziko disolbatzaile organikoak dituzten pinturak, ur-margoak, pintura akrilikoak edo beste edozein motatakoak. Guztiak nahastuko dira aldi baterako gordetzeko ontzietan.
- Ontzi eta ontzikiak, metalezkoak nahiz plastikozkoak, pintura edo beste hondakin arriskutsu batzuk izan dituztenak “big-bag” motako poltsetan aurkeztuko dira.
- Aerosolak “big-bag” motako poltsetan nahiz balezta-itxitura duten plastikozko bidoietan aurkez daitezke.
- Disolbatzaileak beren ontzietan paletizatuta nahiz balezta-itxitura duten plastikozko bidoietan aurkez daitezke,
- Gai kimikoak balezta-itxitura duten plastikozko bidoietan aurkeztu behar dira, beren ontziratze moduagatik hori ezinezkoa denean izan ezik.
- Itzalgailuak paletizatuta aurkeztuko dira.

Kasu guztietan esleipendunak ontzia bere edukiarekin eramango du eta puntu berean beste ontzi bat utziko du hutsik, jatorrizkoaren ezaugarri berberak dituen (plastikozko bidoia, “big bag” poltsa edo besterik).

Entregaturiko hondakin guztiak egoki identifikatuta egon behar dute etiketaren bidez, indarrean dagoen legeriaren arabera.

Gai kimikoen kategorian azidoak, baseak, gai fitosanitarioak, zoosanitarioak, laborategiko produktuak eta antzekoak sartzen dira.

Eskaintzaileek sistema alternatiboak proposa ditzakete kontratu-gai diren hondakinen egokitzapen, biltzea eta garraiorako, horien egokitasun tekniko edo/eta ekonomikoa behar bezala justifikatu behar dutelarik beren eskaintzetan.

20. KONTRATISTAK EGIN BEHARREKO LANAK

Kontratistaren oinarritzko eginkizunak Mankomunitateak ematen dizkion hondakinak biltzea, garraiatzea eta tratatzea edo tratamendurako bidaltzea dira, gorago aipaturiko lege- eta erregelamendu-xedapenen arabera, helburu hauekin betiere:

1. Horiek kontrolik gabe botatzea eragozteak.
2. Hondakin arriskutsuak arriskutsuak ez direnen edo hondakin geldo edo inerteen zabortegetara botatzea eragozteak.

3. Kontratu-gai diren hondakinek giza osasunarentzat eta ingurumenarentzat izan ditzaketen eragin kaltegarriak saihestea.
4. Ahal den neurrian, entregatzen zaizkien hondakin arriskutsuak balorizatzea, berrerabiltzeari lehentasuna emanez birziklatzearen aurretik, eta birziklatzeari balorizazio energetikoaren aurretik.

Horretarako, bilketa, garraio eta tratamendurako prozedura tekniko egokiak aplikatzeaz gain, aplikazioko administrazio-betebehar guztiak bete beharko ditu: aurretiazko jakinarazpenak, onarpen-agiriak, kontrol eta jarraipeneko agiriak, etab.

Kontratatik Debagoieneko Mankomunitateak ematen dizkion hondakin arriskutsu guztiak onartu eta kudeatu beharko ditu.

21. KOPURUEN KONTROLA

Kontratatik Mankomunitateak eskatzen dizkion kontrolak pasa beharko ditu eramandako hondakinen pisaketen zehaztasuna egiaztatzeko.

22. DATU PERTSONALAK BABESTEAK

Kontratua betetzeko tratamendu automatizatua duten datu pertsonalak erabili behar baditu enpresa esleipendunak, hori abenduaren 13ko 15/1999 Lege Organikoak (datu pertsonalen babesari buruzkoak) ezarritakoa betez egingo da.

Kontratuari esker lortu dituen datu pertsonal automatizatuak Mankomunitateak agindutakoaren arabera tratatuko ditu enpresa esleipendunak, eta ezingo ditu aplikatu edo erabili kontratuan agertzen den helbururako baizik, ezta laga ere beste pertsona batzuei, nahiz eta gordetzeko izan.

Behin kontratu-prestazioa bete ondoren, trataturiko datu pertsonalak Mankomunitateari itzuli behar zaizkio, baita izaera pertsonaleko daturen bat daukaten euskarri edo agiri guztiak ere.

Enpresa esleipendunak, kontratuaren xedapenak bete gabe, beste helburu baterako bideratu, jakinarazi edo erabiltzen baditu datuak, horien tratamenduaren erantzuletzat joko da, eta horrela berak erantzun beharko du egin dituen lege-hausteei buruz.

23. SEGURTASUNA ETA OSASUNA

Kontratista izanik segurtasunaren eta osasunaren arduraduna kontratu-gai diren zerbitzuak emateko eremuan, aplikatzekoak diren arau juridiko eta teknikoak bete beharko ditu.

Debagoieneko Mankomunitateak eskubidea izango du kontratua indarrean den bitartean prebentzio-arloan egoki iruditzen zaion dokumentazioa eskatzeko.

24. EUSKARA

Dokumentazio idatzia gutxienez euskaraz aurkeztu beharko du enpresa esleipendunak.

Euskarazko testuaren kalitatea: Euskarazko testuak argia eta ulargarria izan behar du. Horretarako, eta behar izanez gero, esleipendunak Mankomunitatearen laguntza eta argibideak izango ditu.

25. TRESNERIA ETA BALIABIDE PERTSONALAK

Kontratatik tresneria eta baliabide pertsonal egokiekin egin beharko ditu lanak, une oro erantzunez lan horien martxan sortzen diren premiei.

26. BALIABIDE TEKNIKOAK

Kontratatik bere proposamenean sartutako baliabide teknikoak jarri behar ditu eta, oro har, lanak ongi gauzatzeko beharrezko guztiak.

27. KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI ERAGINDAKO KALTEENGATIK

Kontratista izango da kontratua betetzeak eskatzen dituen eragiketen ondorioz eragiten diren kalteen erantzule, Sektore Publikoko Kontratu Legearen testu bateginak 214. artikuluan xedatzen duenaren arabera.

28. BAIMENAK

Kontratatik bere kontura eta erantzukizunpean lortu behar ditu lanak behar bezala egiteko beharrezko baimen eta lizentzia guztiak, bere kargura izanik erakunde eskudunek jartzen dizkieten baldintza eta aginduak betetzea. Baimen, lizentzia edo

oniritzi horiengatik tasak, fidantzak edo beste gastu batzuk eskatzen direnean, horien ordainketa edo gordailua ere kontratistaren kargura izango da.

29. LANEN KONTROLA

Lanak Debagoieneko Mankomunitatearen kontrolpean egingo dira. Mankomunitateak aginduak eman ahal izango dizkio kontratistari, betiere ez baldin badute kontrataturiko prestazioen aldaketa suposatzen.

30. LANAK ONARTZEA

Kontrataturiko lanak entregatu eta horietan akatsik ez bada aurkitzen, Administrazioak ofizioz horiek hartu, likidatu eta, hala balegokio, eraturako bermea itzuliko du.

Entregaturiko lanek ez badituzte onartzeko beharrezko baldintzak betetzen, dagozkion aginduak emango zaizkio esleipendunari aurkitutako akatsak zuzen ditzan eta bere obligazioak bete ditzan horretarako ezarritako epean, eta agindu horiek bete arte ez zaizkio lanak onartuko. Emandako epean ez baditu aginduak betetzen, kontratua deuseztatu egingo da eta fidantza galdu.

31. KONTRATUA SUNTSIARAZTEKO KAUSAK

Kontratu hau suntsiarazteko arrazoiak izango dira Sektore Publikoko Kontratu Legearen testu bateginak 223 eta 308. artikuluetan ezarritakoak.

32. ADMINISTRAZIOAREN PRERROGATIBAK

Mankomunitateari dagozkio prerrogatiba hauek: kontratua interpretatzea, hori betetzerakoan sortzen diren zalantzak erabakitzea, interes publikoagatik aldatzea, suntsiaraztea erabaki eta horren ondorioak zehaztea, Sektore Publikoko Kontratuen Legearen Testu Bateginak ezarritako muga barruan eta betebeharrak eta efektuen arabera.

Horretaz hartzen diren erabakiek administrazio-bidea bukaraziko dute, eta berehala betebeharrekoak izango dira.

33. KONTRATAZIO-MAHAIA

Hauek izango dira Kontratazio Mahaia osatuko dutenak:

Lehendakaria: Mankomunitateko lehendakaria.

Kideak: Ingurumen Batzordeko kide bat.
Ingurumen Zerbitzuko arduradun teknikoa.
Mankomunitateko kontu-hartzailea.
Mankomunitateko idazkaria.

Idazkaria: Mankomunitateko idazkaria.

EGINBIDEA.- Baldintza Agiri hau Mankomunitateko Gobernu Juntak onartu zuen, 2012ko abenduaren 27an egindako bilkuran.

Arrasaten, 2012ko abenduaren 28an.

IDAZKARIA

Izpta.: Belén Txintxurreta

ERANSKINA: PROPOSAMEN-EREDUA

..... jaunak/andreak (adinez nagusia,
.....(e)n bizi dena eta N.A.-zka. duena)
.....(r)en izenean eta ordezkari (honek egoitza soziala
.....(e)n eta CIF-IFK-zka. duelarik) zera

AZALTZEN DU:

Lehenena. Ezagutzen dituela hondakin arriskutsuen zerbitzua emateko Administrazio Klausula Partikularrak eta Baldintza Teknikoak.

Bigarrenena. Bere erantzukizunpean adierazten duela enkantera aurkeztu den enpresa ez dagoela, indarrean dagoen legeriaren arabera, Administrazioarekin kontratuak egiteko debeku-kasuetan sartuta, behar hainbat gaitasun juridiko eta bitarteko badituela aipaturiko lanak egiteko eta betetzen dituela kontratu honetarako eskatzen diren baldintza espezifikoak.

Hirugarrena. Esleipendun gertatuz gero, onarturiko Agiriko baldintza eta betebeharrei zorroztz jarraituz egingo dituela lanak.

Laugarrena. Aipaturiko Zerbitzua prezio honetan ematera konprometitzen dela:

- Hondakin arriskutsuak edukitako ontziak kudeatzeagatik:
€/tona, gehi €, BEZaren %ri dagozkionak.
- Pintura-hondakinak kudeatzeagatik: €/tona, gehi €,
BEZaren %ri dagozkionak.
- Aerosol eta gai kimikoak kudeatzeagatik: €/tona, gehi
€, BEZaren %ri dagozkionak.
- Disolbatzaileak kudeatzeagatik: €/tona, gehi €,
BEZaren %ri dagozkionak.
- Itzalgailuak kudeatzeagatik: €/tona, gehi €, BEZaren
%ri dagozkionak.

(Data eta sinadura)